



Broj: 02-02-2-1160-2/23  
Sarajevo, 06.12.2023.

**N/r Direktora**

**PREDMET: Poziv bh. kompanijama za učešće u poslovnoj posjeti „Međunarodnom sajmu KEY – The Energy Transition Expo“, 27-29.02.2024, Rimini, Italija**

Poštovani,

Energetska efikasnost i primjena obnovljivih izvora energije najbolji su odgovori na pitanja zaštite okoliša, održivog razvoja. U tu svrhu, Vanjskotrgovinska/Spoljnotrgovinska komora Bosne i Hercegovine (VTK/STK BiH), organizuje dvodnevnu poslovnu posjetu „**Međunarodnom sajmu KEY – The Energy Transition Expo**“, koji će biti održan u periodu 27-29.02.2024. godine u Riminiju, Italija, te Vas poziva da uzmete učešće u istoj.

### O sajmu KEY

KEY - Energy Transition Expo, je vodeći europski sajam posvećen promociji energetske tranzicije i inovacija u oblasti energetike. Sajam okuplja stručnjake, preduzeća i organizacije iz različitih sektora kako bi zajedno istražili nove tehnologije, strategije i pristupe koji podržavaju prelazak na održive izvore energije.

Ovaj događaj pruža platformu za razmjenu ideja, umrežavanje i podršku razvoju projekata usmjerenih ka smanjenju ugljeničnog otiska i unapređenju energetske efikasnosti. Sajam je prilika za posjetioce da se informišu o najnovijim dostignućima u oblasti obnovljivih izvora energije, pametnih tehnologija i rješenjima, koja doprinose održivoj budućnosti.

### Kategorije izložbenih proizvoda i usluga

KEY pruža potpuni pregled svijeta energetske tranzicije, prikazujući entitete, udruženja, organizacije, komunalna preduzeća, kompanije i start-up-e koji doprinose energetske tranziciji u različitim oblastima:

- Solarna energija
- Energija vjetra
- Vodonik
- Skladištenje energije
- Energetska efikasnost
- E-mobilnost

Više informacija o sajmu i izlagačima možete naći na web stranici sajma: <https://en.key-expo.com/>

### Usluge VTK/STK BiH i organizatora sajma

- Organizirati i snositi troškove 2 noćenja za po jednog predstavnika bh. kompanija (27-29.02.2024)
- Organizirati i snositi troškove transfera učesnika bh. delegacije od aerodroma do hotela i nazad (dolazak na aerodrom u Bologni)
- Obezbjediti i snositi troškove transfera učesnika od hotela do sajma i nazad
- Obezbjediti besplatne ulaznice za sajam



**Kriteriji za odabir kompanija – učesnica u posjeti:**

- Menadžeri/konsultanti/proizvođači koji su na neki način uključeni u obnovljive izvore energije ili energetska efikasnost ili žele upoznati nove tehnologije, strategije i pristupe koji podržavaju prelazak na održivije izvore energije.
- Kompanija je spremna snositi troškove avio karte za svog predstavnika
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**

Molimo Vas da, ukoliko ste zainteresirani da uzmete učešće u ovoj poslovnoj posjeti i prihvatate navedene uslove, popunite **priloženu prijavu** i dostavite je putem e-maila [aida.vidimlic@komorabih.ba](mailto:aida.vidimlic@komorabih.ba) **najkasnije do petka 22.12. 2023. godine**

Potpisana i ovjerenjena **četiri originalna primjerka Sporazuma o reguliranju obaveza**, potrebno je **obavezno poslati i poštom na adresu VTK/STK BiH Branislava Đurđeva 10; 71000 Sarajevo.**

Za više informacija o učešću u posjeti, kontakt osoba je **Aida Vidimlić (tel.033 566 233)**

Nadajući se Vašem interesu za učešćem u ovoj poslovnoj posjeti, te očekujući prijavu Vaše kompanije uz potpisan i ovjeren Sporazum, ostajem

S poštovanjem

  
DIREKTOR  
Enes Ališković